

يعقوب دَ كِنْعَانَ پَسِ مُورَه

يعقوب چندین سال بَلَدَ ماماى خُو لابان کار کد. چارده سال اویل او بَلَدَ دُخترُونِ لابان، يعني بَلَدَ ليه و راحيله، کار کد. لابان دَزشى هىچ مُزد نَدَدَه و پَگِ مالاي ره که يعقوب آيمىگند اونا ره آم لابان صاحب شُد. بعد ازو که يوسف، باچه يازدهم از يعقوب پَيدا شُد او قد ماماى خُو گُفت: "بيل که خاتُونو و أولاداي خُوره گِرفته پَس دَ جاي خُو بورُم. خود تُو مِيدَنى که بَلَدَ تُو چى قس زحمت كَشِدُم و خِدمَت تُوره كَدوم."

لابان گُفت: "از تُو خاھِش مُونُم که مَرَه ايله نَكُنى؛ ما مِيدَنُم که خُداوند از خاطِر از تُو مَرَه برکت دَده و سرمایه دار کده. هر چى که حق تُو مُوشَه ما دَز تُو مِيدُم."

يعقوب دَ جواب شى گُفت: "دَزمه هىچ چِيز نَدَى. اگه دَمزى قول راضى بشى ما دُوباره چوپونى رَمَهِ تُوره مُونُم: مَرَه

اِجازه بِدی که دَ مینکلِ رَمَه بُورُم و گوسيپونو و بُزون
آلَهَگَک و خالْتُو و باره های سياه ره جُدا کنم. دَ آينده، هر
باره و بُرْغلهِ الَّهَگَ و خالْتُو که پَيِدا شُدَ جَای كِرايَه
مه استه.“

اوخته آمُو روز لابان تمام بُزون نَرِ که خالدار و خالْتُو و
تمام باره های سياه ره جُدا کده دَ بَچكىچاي خُو تَسلِيم
کد. پس اُونا ره دَ فاصِلَه سِه روزه راه دُور رَيَي کد، و
يعقوب قد باقى منده گلَّه لابان مند تاکه اُونا ره
بِچرنَه.

ولَے دَ كومكِ خُداوند مالاي لابان زيافتر بُزغاله و باره
خالْتُو و آلَهَگَگ مى زَيد. دَزى رقم يعقوب غدر دَولَتمند شُد.

و يعقوب توراي بَچكىچاي لابان ره شِند که مُوكُفت:
”يعقوب تمام دارائي آته مو ره گِرفته و از دارائي آته مو
سرمايه دار شُده.“ پس خُداوند دَ يعقوب گُفت: ”بل شُو،

پَس دَ سَر زِمِينى بُورُو كه دَ أونجى پَيدا شُدَى و ما قد از تُو
استُم. ”

دَ يِگو غِيتِ كه لابان بَلدَى كَل كَدونى گوسپوناي خُو
رفتُد، يعقوب خانه و مالاي خُوره جَم كده دُوتا كد.

وختِيکه يعقوب نزديكِ سرزِمِين خُورسيده او از بِرار خُو
عيسو غدر تَرس خورد از اي كه دُشمنى سابِقِه شى قد عيسو
دَ ياد شى امد كه ”شاید عيسو تا الى ميخايه مره
بُكُشه.“ پس يعقوب دَ پيشِ خُدا عذر و زاري كد كه او ره
از دِستِ عيسو نِجات بِديه. و يعقوب غدر مala ره بَلدَى
عذرخاهى پيشلون خُورى كد تاكه رضايتِ بِرار خُوره دَ
دِست بَيره.

وختِيکه يعقوب آمُوشاو ره دَ لبِ دريای يابِوق تَنای خُو
تير مُوكد يگ نفر قد شى تا دَم صُبح پُشتى گيري كد. دَ
آخِر آمُونفر گفت: ”مره بيل كه بورُم ازيكه روز واز

مُوشہ.“

بعد ازو یعقوب گفت: ”تا مَرَه خَيْر و بَرَكَت نَدَدِي تُو رَه
اِيله نَمُونُم.“

گفت: ”نَام تُو چَى اَسْتَه؟“

او گفت: ”يَعْقُوب.“

پَس او نفر گفت: ”ازِي بعد نَام تُو يَعْقُوب نِيه، بَلَكَه نَام
تُو إِسْرَائِيل‘ يَعْنِي ‘مَقاوِم دَپِيشِ خُدا‘ بَشَه كَه تُو دَپِيشِ
خُدا و اِنْسَان مُقاوِمت كَدِي و كَامياب شُدِي.“

و يَعْقُوب آمُو جَاهِ رَه ‘فِينِيئِيل‘ يَعْنِي ‘حُضُورِ خُدا‘ نَام
ايشت و گفت: ”ما دَمَزِي جَاهِ دَپِيشَگَاهِ خُدا حاضِرِ شُدِم و
زِنَدِه مَنَدِم.“ از اونجِي إِسْرَائِيل، يَعْنِي يَعْقُوب طَرفِ مَنْطَقَهِ
بِرِار خُو رَفت و وختِيکه دَزُو نَزَديک مُوشُد خَود رَه هَفَت كَرَت

بَلْدَه اِحْتِرَام دَزِمَى خَمَ كَد.

مَكَمْ عِيسَوَ دَيَدَه دَيَدَه دَاسْتِقْبَالِ يَعْقُوبَ آمد وَأُورَه دَبَغَلَ
خُو گَرْفَتَه مَاخَ كَد وَآرَدُويَ شَى گَرِيَه كَد. دَزِي رَقَمْ عِيسَوَ
گُنَاهِ يَعْقُوبَ رَه بَخْشِيدَه وَآرَدُويَ شَى دَصْلَحَ وَسَلَامَتَى اَز
يَگَدِيَگِه خُو جُدا شُدَ.

از اُونجى إِسْرَائِيل، قد خانه و تمام مالاى خُو از دَرِيَايِي اُرْدُن
تير شُدَه دَسَرْزِمِينِ كِنْعَانَ آمد و طَرْفِ جَنُوبَ سَفَرَ كَد.
غَيْتِيَكَه نَزَدِيَكِ آغِيلِ بَيْتُ الْحَمَ رَسِيدَ خَاتُونَ شَى، رَاحِيلَه،
آخِرى بَچَهِ يَعْقُوبَ رَه دَدُنْيَا أَوْرَدَه. بَعْدَ اَز تَوَلَّدِ اَي بَچَهِ،
رَاحِيلَه فَوَتَ كَد. يَعْقُوبَ أُورَه دَأُونجَى دَفَنَ كَدَه يَگَ سَنَگَ
دَقَبَرَ شَى نِشَانِي اِيشَتَ، كَه تَا اِمْرُوزَ دَأُونجَى مَوْجُودَ
استَه.

خُلاصَه، بَعْدَ اَز بِيَسَت سَالِ إِسْرَائِيلِ قد دَوازَدَه بَچَهِ خُو دَ
پَيِشَ آتِه خُو، إِسْحَاقَ، پَسَ دَشَارِ حِبْرُونَ آمد. إِسْرَائِيلِ قد

بَچَه های خُود او سرزمِینی که خُدا دَ باکُل شی، حضرت ابراهِیم، و دَ آتهِ شی اِسحاق وَعده کدد، جای دَ جای شُد. ازْوَ بعد، اَولادِ یعقوب "بنی اِسرائیل" گُفته مُوشُد.